



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Praxis Episcopalis

In Qva Episcoporum Non Tantvm, Eorumqve Vicariorum munus; sed  
Parochorum etiam & conscientiarum directorium concernentium casuum  
ac dubiorum indies occurrentium Resolvtiones ... quàm brevissimè  
continentur

**Zerola, Tommaso**

**Coloniae Agrippinae, 1680**

Advocatus.

**urn:nbn:de:hbz:466:1-10447**

*cap. indemnitatibus, de elect. lib. 6. sed potest Episcopus dispensare, ut sit Abbatissa solum, licet non sit virgo, gloss. ibi.*

Secundò, electio Officialium monasteriorum ad quem spectat?

Respondetur ex Sac. Cong. *decl. 55. in meis*, ubi censuit in hæc verba: *Electio Officialium, qui administraturi sunt bona monasteriorum, spectat ad superiores monasterij, & idèd licet Episcopus sit ejus superior, ipsi Officiales eligere possunt.*

Tertiò, an Officiales monasteriorum teneantur conservare bona, introitus, & census ipsorum monasteriorum intus dicta monasteria?

Respondetur ex sac. Cong. *decl. 56. in hæc verba: Officiales electi pro administratione bonorum monasterij à superioribus ejusdem, possunt, prout ipsis magis expedire videbitur, redditus ipsorum monasteriorum in loco convenienti, etiam extra monasterium, conservare, & ab eisdem subministrare pro tempore necessaria ipsis monialibus.*

Quartò, quia dictum est *in ver. Abbatissa, §. p. 7. de quietatione facta ab Abbatissa procuratori monasterij, &c.* nunc adde, quòd quietatio Generalis illius non extenditur ad res occultas dolo, prout præsumitur in rebus mobilibus, *l. tres fratres, ff. de pactis, Jason. in l. sub prætextu, nu. 2. vers. ego puto, de transact.*

ADULTERIUM.

PRimò, conjugum alter committens adulterium perdit jus exigendi,

etiamsi sit occultum, & sit facta sit separatio, sive divortium, propter alterius adulterium probatum in foro exteriori, sit compensatio per alterius commissum in foro Dei, *Nav. in cons. 1. de divort.*

Secundò, an uxor, quæ scit, vel per evidentiam, vel per conjecturas viam adulterasse, possit tuta conscientia separari ab illo, etiamsi hoc non potest probari in foro exteriori?

Respondetur, quòd sic, prout dixi *in Pract. meæ pœnit. c. 22. q. 21. & habebitur in verb. divortium, & Covar. inferius, n. 2. & in primo casu uxor non solum perdit dotem, sed paraphernalia, & arthas. Covar. de spons. 2. p. c. 7. §. 6. nu. 3. & adulter laicus potest etiam puniri à judice ecclesiastico, ut notat Covar. loc. cit. §. 7. n. 20. in ult. quod probat ex communi.*

Tertiò, adulterium an probetur commissum una die, vel in uno loco per unum testem, & per alium testem, probatur in alio loco, vel tempore?

Respondetur, quòd non, *Cap. Tolo. Ios. quest. 209.* sed quando testes concordant in facto principali, & discordant in aliquibus circumstantiis, vide ibi *Addit. in verb. contrarium.* vide *Azon. in Sum. lib. 9. ad legem Iuliam, de adult. Diaz. pract. crim. canon. c. 49. Covar. de spons. 2. par. c. 7. & 6.*

ADVOCATUS.

PRimò, an Clericus in minoribus possit esse Advocatus in casu criminali?

B 3

Re-

Respondetur, quòd sic; sed si inde sequatur mors, vel mutilatio, fit irregularis, Navar. *conf. 6. an cler. vel monach.*

Secundò, Advocatus, vel Procurator obligati ad defensionem causæ, non videntur obligati ad defendendum causam appellationis. Vide Gom. *in c. si. notab. 1. de testibus, lib. 6.* & pro primo citat Arch. pro secundo Joan. And. quod nota in facto.

## ALTERNATIVA.

**P**rimò, si quis habet beneficium, & postea assequatur secundum, & per istam assecutionem vacet primum in mense Papæ, & an valeat alternativa, ita ut non posset illud conferre Episcopis?

Respondetur, quòd si vacet in mense Papæ, non potest illud conferre Episcopus, ideo sit cautus Episcopus, ut faciat cadere possessionem secundi in mense, in quo ipse potest conferre, alias non posset, Navar. *conf. 18. nu. 3. de prab.* & idem observare debet Episcopus, quando privat aliquem clericum beneficio, faciat cadere privationem in mense suo; ad hoc, ut possit de illo ipse disponere, & sic ego practicavi, dum essem Vicarius Compzæ, quando privavi quendam presbyterum Canonicum in Archiepiscopali Ecclesia Compzana, propter residentiam non præstitam, & feci incidere illam privationem in mense Archiepiscopi; nam alternativa habet locum non solum in vacationibus per obitum, sed per asse-

cutionem secundi incompatibilis, per renunciationem, matrimonium contractum, & religionis ingressum.

Secundò, à quo tempore incipit currere alternativa Episcopi?

Respondetur, nisi postquam eam acceptaverit authenticam à datario, & fides ejus acceptionis perveniat ad datarium, & mortuo Papa concedente, expirat, quando datur ad beneplacitum Sedis Apostolicæ, quia tunc durat usque ad novam reservationem per Papam successorem faciendam, Navar. *conf. 31. num. 2. de prabend.*

Tertiò, utrum Episcopi habentes alternativam, amittant eam, si deinde habuerint indultum à Papa conferendi beneficia in omnibus mensibus, si conferunt beneficia vigore indulti?

Respondetur, quòd non, Caputaq. *decis. 309. part.* Ratio est, quia per indultum, quod est privilegium particulare, & odiosum, non amittitur jus ordinarium, quod est jus favorabile, ut patet.

Quartò, utrum Episcopi absentes gaudeant alternativa?

Respondetur, quòd non, nisi residentes. Pius V. *Bull. 164. & 165.*

Quintò, an dies termini computetur in termino in hac alternativa, v. g. Papa reservat sibi omnia beneficia vacantia à die prima Martii, an contingente vacatione illa die poterit Episcopus conferre?

Respondetur, quòd non, quia mensis currit totus utilis Papæ; nam per reservationem regularem sibi semper reservavit octo menses, per reservationem